





思玄集卷之十四

海虞桑

悅民懌著

泰和徐

威來鳳註

後學

翁憲祥兆隆選

翁應祥兆吉校

姪孫

孝成道凝次

宴黃錦衣府

東風重踏

帝城塵又見

鸞花一度新老與諸侯為上客病違



聖主作閒人梁園雅集高成癖郢國新歌妙入神忽算  
征夷當盛夏不堪聞樂泪沾巾

長至寓理定堡

邊城忽忽逢佳節侵曉冠裳拜

北辰鼓笛聲中還跳鬼

是夜吹笛擊鼓  
鬼直至天明

弓刀影裏似愁

人孤身遠入豺狼窟萬里堪憐  
強臣又喜陽生陰醜  
滅九夷從此淨風塵

過熊嶺

巖巖熊羆嶺插天兩崖古木藹蒼煙峰頭刷羽偶獨鶴  
林下披襟或散仙郵管清吹如弄角驛輿穩坐類乘船

窮途來往勞民力佐郡無能媿俸錢

赴墟

憧憧來往赴墟辰細嚼檳榔血點唇花布抹頭多獐老  
青巾撮髻是軍人束來甘蔗如修竹老去藤香作降真  
夷俗不知文化近何時弓弩暫離身

詠雪和東坡韻二首

隨風颯颯更纖纖欺勒陽和太緊嚴驚看天花融作水  
誰將地溷煮成鹽羈窮高卧曾陪榻綽約相招暗入簷

三白已爲民物喜苦寒深恨天勾尖

韓昌黎詩不  
能活勾尖

其二



密密疎疎巨復纖乾坤無處不森嚴地形欲畫先塗粉  
元氣將調喜得鹽作勢定期埋疊嶂成功偏覺潤窮簷  
也知六出為祥瑞莫待東風破一尖

春雪再用前韻

朝來飛雪正纖纖春日春寒覺更嚴梨已吐花重傳粉  
梅纔結子蚤和鹽月通餘彩明穿戶風卷疎團暗墜簷  
忍凍間看庭外竹化為玉節怪梢尖

舒城八景之五為兵部尚書秦崇化作

石牛牧笛

五丁遺物卧高岡牧笛時聞美夕陽壯士射來非似虎

仙人鞭起不成羊堪憐寧戚歌聲苦誰識桓伊興味長  
落盡梅花春自老空山夜雨石田荒

峯巒環翠

伐木誅茅成隱居青山四面作藩籬秋霜不減松篁色  
春氣如增岩壑姿靈運平生奇雁蕩

今雁蕩山右軍到歿憶峨眉王右軍臨卒以不致君堯

有謝公岩得遊我眉山為恨

丘木連陰

五處高丘幾葉墳百年喬木似雲屯根株一本存先德  
枝葉千章陰後昆雨露濡天有意峯巒環抱石無言



賢孫已任調元責和氣潛薰朽骨溫  
豐碑蟠龍百千喬木必雲中外州一本亦未盡

一道龍光八尺碑山中艸木長容姿細看此日 重華

語不數當年有道辭好雨欲湔時點點飛雲相感故遲

遲親恩盡藉君以封誥榮親故已移封

君恩報移得封章獻 玉墀此移字移孝為忠之移言

章以為報也 袁如對忽青山四面

### 玄溪春浪

小溪環繞碧流清活水能收衆妙名老子玄之又玄衆妙之門暖浸

桃花如濯錦時搖星影似翻枰放歌自得園中趣把釣

應添物外情整頓蒼生無一事歸來閒赴白鷗盟

對月開出對月

思家幾度看明月老淚千行濕布衣節物傷心南浦艸

盤餐入夢故山薇江湖麤了吾應老東坡詩江湖道路

俱難客倦歸惟有清光真達孝遍為遊子照庭幃

楊村夜泊盡想神以

人家落落樹蕭條更鼓遲遲夜寂寥鳴柝喜隨青雀舫

探丸愁避綠林豪赤眉賊置五色丸于瓶中如探得月

明雁影低沉浦風定鴉聲不出巢獨倚蓬窗清不寐殘

燈自剔看離騷



思文集 卷四  
登自聽秋雨有感

入夜雲陰雨脚垂，勻勻麤點緯輕絲。凄清似訴靈均怨，

嚶咽疑含老杜詩。思慮正當初起候，邵子云思慮未起鬼神莫知

明未到盡忘時。莊子云顏子聰明盡忘悠悠今古成，

燈漏正遲。按此詩言不能如邵子之思慮未起，顏子之聰明盡忘，所以有感于秋也。默具一感字于

其中立意遠且深矣。

贈張山人

十里青山擁華門，松杉竽籟不時聞。高居喜效烏鵲輩，

簡出愁穿虎豹羣。田父攜壺常對飲，鄰僧乞米許平分。

半生受用惟清氣，一枕煙霞兩屐雲。

登快閣和山谷韻

涪翁快閣我重登，月上澄波報晚晴。吟罷餘詩凌倒景，

醒來殘酒散空明。江湖渺渺孤舟遠，天地茫茫一劍橫。

兩腋清風掃舊隱，箕山泉石許誰盟。

七夕飲石田母姨夫宅

析木津邊建兩旗，華堂開宴趁佳期。人間親舊追歡夕，

天上婚姻適意時。乞巧不如常守拙，相逢最苦即分離。

銀河清淺如前否，靈鵲回來報我知。

和石田病中韻

病鄉岑寂異溫柔，晞髮臨風雪滿頭。繁星麗天光入枕，



獨雁排雲聲墮樓題詩閒閣杜陵夜子美有作賦還悲閣夜詩

宋玉秋勘破陰陽消息理動時非闢靜非休

與殿元錢與謙會飲于雲間禪寺

繞廊松竹借披襟霧籟蕭蕭共賞音解躡九圍安用足

與謙贈予詩有足躡九圍還能包萬象在虚心移來兜

率香初燕引入華胥酒謔斟坐久不知天又暝九峯明

月照禪林

夜坐

炎威初斂日將斜雲氣嵐光混一家萬象朦朧迎月色

二儀清肅待霜華山林間積補天石溪澗難乘浮海槎

坐對殘燈覓欲斷城頭更盡鼓頻搗

同左行人廷弼登南昌金繩塔

佛家梯磴真重重接引此身凌太空眼光晴射匡廬雪

毛孔清吹彭蠡風升嶽長謠平望裏登樓高作俯臨中

倚闌漸覺蒼天近慙媿無由補寸功

宿南昌守張廷璧衙

銀燭光搖寶篆浮小童如玉薄能諷千年月冷陳蕃榻

一夕風生庾亮樓敢以虛名干賈賈同韓公

聖主深慙傳食遍諸侯春光到處成和氣莫把天遊比

勝遊



乾坤忽幻吾形容此齒本生鳥有中合處偶然成混沌  
脫時依舊化虛空夙稟羞慙類顏子蚤衰隱約同韓公  
也知道義無肌骨咀嚼至味甘長終

雪

滕神欲索老夫詩臘雪今年落故遲光倒射天雲似白  
色深迷海水疑縹緲紛暗畫梁園賦浙瀝猶聲郢國詞  
圓璧方珪驚滿眼誰知稱物解平施

謁劉龍洲墓

崑山令楊名父脩

牢落江湖剩此身偏安世界寄清樽忠言豈意君門遠

高誼能消相府尊春雨蒼虬乘俠氣秋霜孤鶴弔詩魂  
賢侯特起高山念仁政潛薰朽骨溫

落花

花好能禁幾日開東皇應乏補春才紛紛怪我耽詩句  
點點催人進酒盃殘片有情栖綠葉香魂無倚泊蒼苔  
十分顏色歸塵土處處名園是馬嵬

書事

忽聞朝報下鑿坡對酒臨風發浩歌堪象

神功為大武敢將

聖德比元和江湖一夜濤聲息山岳千年喜氣多璣虱



小臣心萬里癡將周禮暗編摩  
遊孺子亭和白沙陳公甫先生韻二首

炎德將衰萬國寒諸奸塞路氣桓桓  
避秦無地堪移宅

過越何人愛整冠顛處不持繩共挽  
孺子云大厦將傾非一繩可維磨

時却與鏡相看  
本傳孺子以磨鏡為業清風朗月延賓館昔日高

懸是肺肝

其二

十里湖波陰艸堂先生骨朽蹟難亾  
不逢堯舜為真主

却與夷齊添耿光照榻一輪明月在清綿  
千古濁醪香

乾坤端正吾儒事出處臨岐審變常

贈蕭時清

十里螺湖如掌平開門正挹滄浪清  
偶逢道士贈丹訣

間課山童抄酒經晝長燕子飛入戶  
春盡樹陰鋪滿庭

近來聞說有奇事賣藥脩琴曾到城

碧溪

五兩簑衣百尺竿碧溪十里足盤桓  
卧分芳艸為衾枕

坐愛清流照肺肝花落無聲雲影動  
鳥飛不度鏡光寒

平堤多種芙蓉樹惟有秋容耐晚看

題鳳洲艸堂效吳體

江水四面圍高丘艸堂結在丘上頭  
頻經春雨打不漏



思玄集 卷四  
苦耐秋風吹未休  
枕邊驚聞櫓聲過  
檻外俯看雲影浮  
我約吳郎來借住  
并吞沙州占溪鷗

苦熱效西崑體

輕葛難披汗注身  
繞空炎氣正氤氳  
狂思葱嶺踏晴雪  
西域葱嶺  
雪常不消  
渴想建溪煎曉雲  
赫日爍焦青嶂色  
頰霞粧  
麗碧天文幽情只愛清涼處  
未信山王勝五君

遣興效香山體

世路無窮恣往還  
大都只在利名間  
炎涼逐逐催人老  
日月匆匆屬我閒  
幾處高僧來對奕  
連朝佳客約看山  
半生儘戀虛榮貴  
金紫難醫兩鬢斑

春日郊行效楊誠齋

春光滿滿貯溪南  
謁柳巡花忍破廉  
妙舞致書林蝶請  
玉川子有  
蝶請客詩  
清聲爲費野鶯叅  
酒能痛飲間情縱  
詩易成  
篇拙思潛遊賞未窮  
斜日下封辭  
東海召銀蟾

西昌間步

雙足能行勝小車  
堯夫在洛  
出乘小車  
西昌城裏盡吾家  
鄰僧相約嘗新茗  
園叟時邀看好花  
文變何須論虎豹  
書狂常恐化龍蛇  
晚來占斷長天景  
間倚西風送落霞

玉女峰在雁蕩山

真雁成羣過海陬  
彭郎無計到東甌  
黑雲擾擾常梳髻



白露團團暗洗頭杜子美詩在到蕙帶間拖聊卒歲艸

衣寬著怕逢秋雙鸞栖息無多遠雙鸞峯在玉石作心

腸也自愁玉女洗頭盆

予拜座主閣老彭先生歸至吉安得會其兄彥充

春官同夜飲驛舟中有作

城頭更盡鼓鼙鼙蓬底燈花落細紅把酒今宵同李白

焚香前日拜南豐天空海濶孤舟月古往今來一笛風

踪跡明朝何處覓雲霄萬里沒征鴻

同內翰張廷祥宴巨濟陳國賓宅和廷祥韻

化工何事幻吾身管領人間萬物春啼鳥似傳史妸曲

史妸古之善歌者名花疑寫雪兒真吟懷隨月照千古醉眼看

天無四鄰不是王家陰洞裏少陵那得往來頻

漳江月夜舟行自歌自飲援筆寫興

山高水濶夜淒清遠鼓鼙鼙轉三更斗下持盃傾沆瀣

月中擊楫泝空明歌衝絕壑生霧籟唾落澄波動列星

回首天河猶只尺欲裁書札寄君平

寄丁鳳儀秋官

苦吟風月滿曹司敲朴聲中得句遶雅志每懷高蹈日

長才難展下流時宦情更比嵇康薄心事惟餘鮑叔知

白日如年春不到碧天明月費相思



山行寄陳推士令尹

蚤秋天氣試涼初十里青山度笋與澗畔松聲聞古樂  
林中鳥跡見真書前程拋擲榮枯外往事思量夢覺餘  
寄語陳蕃休下榻好同天燒結幽居

閱卷

沽酒牽竿笑老坡東坡知貢舉知李薦而不能取作詩云買羊沽酒謝不敏化工隨

眼易模糊怪鱗最好登龍籍奇骨何須按驥圖野而集  
來商旅亂丹丘仍得羽人孤少年困頓投羅網慙媿青  
冥萬里途

揭榜

混沌場中數日行一爐丹火始分明又將老眼看兒戲  
誰以虛舟閱世情滄海波寬嫌月小高山骨重覺雲輕  
諸君莫作榮身計擔負蒼生第一程

弔彌正平

經過此地倍堪傷憶子青年飼虎狼四海難容身一葉  
三江都化淚千行能言買禍真鸚鵡覽德冥飛媿鳳凰  
今古憐才難造化芳洲畱寫舊文章

蕭汝奇郎中宅賞花

蕭郎宅裏最繁華南北奇芳產一家虞美人栽吳地艸

曾南豐作虞美人艸長詩戎王子放蜀川花杜詩萬里戎王子何年別有支朱文公語錄云



出子蜀川扶持生意朱闌繞點綴韶光翠幄斜對景不須吟  
藻句眼前種種是天葩

梅花五首

數朵梅開玩易軒探梅妙理實幽玄接連坤下一黑畫

露出陽迴幾白圈諸發相傳原不識諸發以梅一枝靈

均至契在忘言楚詞不著梅也知難入尋芳眼默許東皇選

作元

其二

今日乾坤便不同梅花數朵嶺雲東羣陰送節迴和氣  
諸色粧春後素容嚴瀨清高孤立處首陽酸苦半開中

一年準看三千樹騎鶴還乘萬里風

其三

冰雪叢中度歲華清幽偏在野人家神遊玉宇形全瘦

稍指銀河影故斜冬府難藏惟此物冬為藏物之府惟

春官所屬似無花玉皇久缺香姬選穠李安能入紫霞

其四

一春清福想難消日對梅花看楚騷小竹有香聞永晝

澹粧無語伴清宵因悲世俗思輕舉獨耽塵緣似太高

欲弔幽篁何處是湘江雲冷路迢迢

其五



思遠集 卷十四  
脉脉盈盈破寂寥水邊林下見孤標嫦娥妬白惟栽桂  
王母成丹只愛桃欲供晴天除霧幕間陪殘照怯冰消  
翠禽可解傳消息詩在西湖第幾橋

折梅

雪壓園林玉萬枝折來方表是真梅殺身慷慨因知己  
入手分明不用媒風護精神朝澹蕩月通消息夜徘徊  
逋山縮入青瓶裏獨看移時喚鶴陪

普安州驛中寫懷

碌碌科名二十年宦途消盡是朱顏思量往事真成夢  
堪嘆浮生未得閒月色隨人來遠道雨聲催馬度重山

何時散髮長林下笑看雲霄倦鳥還

雲南守陳季同邀遊圓通寺

寶刹叨陪阜蓋遊分明城市有林丘勝遺龍洞千年跡  
興入螺峰數里秋靜坐鋪庭看葉落辭蹄擁馬被雲留  
欲知地主情深淺萬頃滇池浸碧流

同劉同府遊滇池

萬頃清漣照碧岑扁舟一葉水雲深山靈應笑王褒祀  
海若堪憐漢武心武帝鑿昆明池以象滇池八極神遊乘野馬半空  
仙樂奏鳴禽劉郎今共僧房宿莫向玄都觀裏尋

簡汪仁夫繡衣



十詔通聞柱史風歌謠載道盡兒童落花芳艸仁恩裏  
碧海丹山雅量中千里威名關氣運百年公論出愚蒙  
苗民暗欲鑄功德畱我揮毫太華峰

遊太華寺

古寺峩峩太華顛樓居占斷好林泉白雲萬頃鋪成地  
綠浪半空搖動天金鐸語風清鶴夢寶香歸洞帶龍涎  
臨流欲盡滇池興剗藕堪爲白玉船

謁賈太傅廟

細看政事數行書惜誓哀湘總緒餘經濟也知輕管仲  
詞章何止駕相如清泉映月畱遺井高廟凌雲得故居

我有朱絃千古調臨風欲鼓更躊躇

謁褚登善廟登善相高宗諫立武后幾被殺謫爲

潭州都督行部至湘鄉濯筆池中有雲起之異

後人遂卽其池立廟

捐軀愁脫牝雞晨濯筆方池對夕曛行內玉藏先潤澤

諸登善書評云字裏金生行間玉潤毫端雲起正氤氳靈祠此日丹青煥

止水當年黑白分一語喪邦憐李勣丘山功業化秋蚊

催科有感

荒地征租實可憐眼前赤子半顛連于公欲急天下賦

韓文某州之賦天下之賦也元子肯爲時世賢元次山詩安能絕盡人命以作時世賢



思文集 卷五  
說催科無善政自甘罷軟放疇田挑燈夜與妻孥說慙  
媿全家使俸錢

至桂林

桂林周匝北山囚碧玉簪空不盡頭夷虜謗憑爲窟宅  
編氓難墾作田疇常時殺掠連雞犬象歲征輸剩馬牛  
欲爨扶桑將石煮盡鎔疊嶂化東流

勘蓄湘鄉

前驅兩兩入煙霞父老相迎鼓吹譁硤确無田非重稅  
逃亾有屋盡吾家傷心細雨蕭蕭寺浪跡西風沉沉槎  
聞說龍潭猶只尺大瓢且注淪春芽

軍山道中和王少參元勳韻

肩輿軋軋步凌兢十里軍山路百層隔澗松聲畱過客  
度溪雲影伴歸僧瀟湘映帶心堪洗衡岳登臨興未乘  
一枕煙霞塵土外細思今古幾人曾

白沙鋪用前韻

力疾衝寒覺戰兢平坡蔓艸路層層狂風似約渡頭客  
細雨忽來江上僧赤壁洞簫千古美嵇山高棹幾時乘  
誰云薄宦非真隱紫禁煙花入夢曾

至灋州

蔓艸平鋪苦竹岡乘輿靡靡到蘭江雖云蠻獠爲鄰境



湧喜科名萃此邦入夜吹山風滿座當年照郢月臨窗  
何時可化霧均怨間把騷經近酒缸

荆州懷古簡荆守段侯以中

楚業興亡取次求離騷一卷接春秋入秦自分難成國

懷王入秦不返國由此滅聘魯誰期只舉州春秋書荆人來聘蓋以州舉牧唱暗

將歌舞換農耕似勸戰爭休巴江雲夢春風裏坐鎮寧

論上下流

同段侯以中登仲宣樓有吹笛者侑酒

城上高樓帶夕暉晚風長笛倚闌吹題詩共覓先賢跡  
滴酒聊湔季世悲安土無方惟曠達全身有道是支離

曠達則不思鄉能如莊子所云支離其才則不以才自見而依劉也陶牧登樓賦中景物如供作賦時

重到茶陵

九折星沙脉盡傷此州民病已膏肓無桑欲了今秋稅  
有稻難輸積歲糧囹圄喧囂多罪辟村墟寂寞半逃亡  
何時得返敦龐俗滿地棠陰化日長

宿茶陵五峰庵

攀蘿躡磴路盤紆出澗流泉百折餘地獻秣田充佛供  
天雷松徑作僧居數聲清磬紅塵隔一瓣名香黑業除  
喜共山雲分半榻通宵覓夢寄空虚



遊茶陵獅子口洲

幾夕煙霞入夢中，侵晨閒過小橋東。  
好山重疊無人管，積水周遭有路通。  
耀目珠璣團艸露，清心筭籟奏松風。  
偷閒對景拚沉醉，歸路腥塵十丈紅。

和韓貫道都憲韻贈別憲長林公

木落潭空已喪吾

朱文公冬三讀書詩木落水盡寒潭枯惘然吾亦喪真吾

舊緣未

了剩真迂補天功業非烏有，經世文章不論無。今古悠悠誰是主，乾坤落落我非夫。  
分違遙贈湘江水，千仞岡頭洗湛盧。

中秋茶陵州守衛侯邀賞月

百年有限中秋節，風雨憂愁幾愴神。  
尊酒偶同今夜月，笙歌偏感異鄉人。  
桂花香裏眠吳質，李長吉詩吳質不眠倚桂樹杵聲中卧吉鄰。吉鄰月中仙兒萬花錦綉谷  
明歲平分天一井清光，縱有各隨身。

和王少叅元宵無燈

何事天公不放燈，冷風酸雨苦相乘。  
愁吟難引星辰下，

善作文章者能引星辰而上決江海而下引星辰不下是無天燈也

晴相誰能火氣騰。相

火氣上騰大貴言無人燈也

雙闕無緣瞻瑞鳳，三山有約借飛鵬。  
晦

翁細品今宵景，好是山房入定僧。

朱文公詩何處元宵好山房入定僧

秋懷



征雁南翔落木初江湖憂髯共蕭疎心隨宣聖聽歌鳳

夢斷周文用集鳥鄒陽獄中上書云周用集鳥而王應

有如鳥鳥瘦嶺雲深天似窄清潭潦盡地應枯古人誰

了經綸事柳宗元詩試問經綸心古人誰盡了蜀道分明接宦途

予既調柳憲長林公待用以書來云柳州山林子

厚為之出色今付公矣作詩荅之

三載星沙作宦遊每逢山鳥話綢繆鷓鴣知我行不得

杜宇勸人歸去休沈月詩成湘水夜看雲興入大瀉秋

投荒此日無言語肯與宗元競柳州

登祝融峯

松桂成行引從騶擎天一柱鎮炎州仰觀熒惑疑薰眼

俯視離明不盡頭醉約紫鸞同滅影笑呼朱鳥欲驚秋

杜韓仙去朱張遠千古何人繼勝遊

觀雷壇在祁陽

玲瓏石屋向西通外護神雷布九宮一竅與天行號令

半間和氣化虛空煎茶清吸霧潭水振袂涼吹絕壑風

勝景匆匆觀不盡謗留踪跡白雲中

題八仙圖壽計鈍庵有引

鈍庵計老先生文行俱古由科第起家得令楚之桃

源功德洽於人心古之王喬輩也壽其可言耶弘治



十有一年壽躋六旬有一三月七日乃華誕之辰予  
與令嗣秋元宗道最善因題此圖以祝難老云  
無窮門裏住生身花甲從頭又轉新謝政已名聞處士  
美丸今作謫仙人六旬雖過那能老三月明當却剩春  
喜有賢郎天上去笑臨南極揖星辰

兵書峽在永州

千百流傳一篋書蒼崖高置意何如誰云造化封緘密  
自是神仙狡獪餘屈子後塵韓衆躡昌黎前路祝融驅  
此身舊是鈞天客勝跡閒觀憶太虛

登柳州城

城上陰雲向晚開登臨懷古興悠哉鸞山轟轟劉蕡節  
潯水滔滔子厚才一代高名人共仰千年遺跡我重來  
明春得遂歸田約日抱遺經卧艸萊

同把總指揮苗廷珍撫夷至鸞頸隘宿獾人頭目  
寨卽事贈廷珍二首

章甫真投換戰袍參隨熟獾與生獾村墟有室都藏甲  
道路無人不佩刀枯寨忽逢甘雨降重山似覺陣雲高  
將軍號令軍門肅夏鼓聲遲夜寂寥

其二

仗劍叨陪闈外遊隨行健卒勝貔貅一方險隘名鸞頸



萬里封侯屬席頭坐困羌夷非戰伐來威荆楚在謀猷  
徙薪曲突成何事幸免空山獠觸髓

同柳州守柳廷文練民歎西廣呼民兵為歎

朱益阜甲盡貌貅呼噪潯江水倒流自古農夫皆戰卒  
于今太守卽諸侯兩行旌旆依山麓千騎弓刀擁道周  
老倅幾番陪簡閱醉歸挑燭看吳鉤

歸計已成述懷三首

年幾五十髻成絲物理人情覺悟遲處事求名先得謗  
謀身美巧傻成癡豪吟氣象清平世沉醉情懷太古時  
長笑一聲歸舊隱空山魑魅最相知

其二

驚人長劍與危冠千仞岡頭眼界寬勘破浮榮俱是幻  
從來至貴亦非官虞山舊占雲千頃震澤新收月一彎  
指日小窗燈火下老親兒女話團圓

其三

回頭老景已侵尋世味嘗來感慨深李實結成宜苦口  
松圍長大要虚心敦彞效用皆新鑄琴瑟隨時變古音  
蚤晚歸山牢閉戶羲經一卷度光陰

除夕感懷

妻孥守歲共殘燈曲几無言默默憑牢落情懷知是客



思文集 卷十四  
苦空世界只如僧壽親欲比千年鶴教子期為萬里鵬  
濁酒一壺聊自遣前非舊事付曹騰

聞天災寓長沙

儻來禍福豈無因今古誰能問大鈞奇獸何緣鳴在子  
汲冢周書有獸鳴曰在子怪禽底事喚甘人唐五行志有鳥喚曰甘人漢年紀瑞  
非高識魯史書災實至仁蠛蝨小臣心萬里臨風涕淚  
欲沾巾

又寓梧州

天意將迴未有涯山林枯坐憶京華誰如木石不憂世  
爭似鳶魚無定家救渴先時思掘井忍飢此日欲蒸沙

乾綱獨運春風裏天際星流變落花

秋雨初過即景寫興

涼雨初過白苧輕夕陽疎影漏中庭四愁自比張平子

漢張衡字平子作四愁詩六笑堪憐范茂明宋范浚字茂明作六笑詩敲竹喧囂

風未定亂蟬暗啞月初生挑燈謔把離騷讀一念霧修

萬古情

謁文山先生廟

衣帶留題誓始終小樓數載履虛空文山居燕京坐卧小樓足不履地

者數誰云到死方無悔文山自贊云吾今要識持危不

是窮史云天祥志廣才疎卒以窮死異物化生真幻語吉安志云文山乃蛟龍所化



思玄集 卷十四  
元神出見亦精忠

文山常自見元神出現

堂堂祠宇還柴市宋室

全收養士功

春日書懷

九十韶華已半空舞雲歌咏謾從容及時灑滄宣尼雨  
盡日薰蒸伯子風暴熱工夫非次第苦寒查滓未消融  
誰能悟得調元意四季春光與物同

郴州道中

耒衡相望路西東又踏昌黎過去踪荒澤題詩存旅雁  
寒潭滴酒唳潛龍遠遊自可同韓衆前導何須用祝融  
欲擇名山藏著述洞門深鎖白雲封

登南薰樓

長夏倚樓無限好殷勤南陸薦涼颼天星欲近非無意

古咏樓詩云手可摘星辰又星好風

山雨將來自有期殿閣稍離分苦樂

古詩一為居所移苦樂永相忘

簾櫳間入混雄雌

宋玉大風賦有雌雄風之說

乾坤

萬物潛孚長俯視渾疑太古時

夏日酷暑有感

汗珠垂垂拋葛裳大火燒空薪四方相如病裏煎成渴

老社窮餘煉出狂寒天冰雪信初接

大暑乃大寒之基

炎海塵

埃深莫量喬松近日自薰炙十畝清陰能施涼

未句喻大臣近

君身勞則天下佚



咏佛桑花

參差麗卉鬪猩紅淨土門傳到此中欲供如來嫌色重

佛經以色相見謂藏宣聖訝株同子曰賜也安知不葉

深似有慈雲擁葉坼偏禁慧日烘賞玩何妨三宿戀四

二章云桑下一宿春勿再只愁燒破大虛空東坡詩相

矣故云桑下不畱三宿戀

寓梧州冰井寺久人呼為有髮僧作詩一笑

野寺盤桓當任持平生罷悞即慈悲誰云寂滅真堪樂

自識貪嗔實是癡立見明星那有悟釋迦見明星而悟道坐依間

壁豈無為達磨九年面壁山僧不用畱衣別幸免人呼兩退之

自衡陽至祁陽山中三宿

三宿山中亦快哉每逢佳節重徘徊八千多里投荒去

七十餘峯覽勝來郵舍有猿啼夢破鄉關無雁寄書回

前途騶從遙相迓地主人人念薄才

題水部郎中傅白川南樓三首

文江赴海背簷流地僻渾如海外州樹影分章堪入句

山容染夏不須秋周禮秋染夏註天池直遡詞源到月

殿全憑意匠修寸木隨人成不朽滕王高閣亦何樓古語

何樓虛頭也

其二和西涯李閣老韻



聖世胡元氣正偏此樓興廢可編年樓廢于元未至簷

前丘壑能規地窗外雲霞似繡天龍骨間吟違勝覽龍骨

皇家水車之名見揚子雲荅劉歆書螭頭常侍憶高眠星辰手摘何須論

平步三台第一纏

其三和匏庵吳閣老韻

虛窗納月勝璇題度海常看獨鶴西四望盡通心共遠

一層再上眼同躋高懸絳帳春生席卑引青襟禮作梯

兄弟廟堂今接武舊時結構華山齊

新正試筆

日月光中自在身乾坤舉眼是經綸良時只與堯差午

正歲常隨夏用寅不改江山千古舊又看花柳一番新

題詩艤與東皇約饒取胸中萬斛春

送郡侯曹鳴岐述職

豸冠高聳切玄穹坐鎮名邦似華嵩赤子有緣歸召父

黃神何處避梁公豹文變化從深霧鵬翼扶搏正厚風

循吏封侯今再見一方仁澤九垓同

過十二磯在梧州

亂石危磯急瀨聲扁舟汎汎水中萍月當秋夜十分白

天到遼荒一樣青引路哨船鳴鼓吹前山軍堡出旗旌

回頭復有開懷處無數峰巒列翠屏



思文集 卷十四  
同王如齋揮使金宗秩上舍莫春郊行  
單衣初試覺身輕雲淡風和雨乍晴墨潑小池科斗亂  
簧調深院栗留鳴飛花逐馬疑招飲落絮依人似送行  
餘景老來偏愛惜可堪白日去無情

其二

艸襯堦身踏軟沙解鞍同過野人家坐臨密樹勝張蓋  
渴嗽清泉當啜茶富可薰天隨北里清堪避地憶南垞  
舞雩行樂渾相似况有新詩咏物華

登樓

西風吹帽雪籠頭今古無情獨倚樓日月悠悠長劍老

乾坤納納此身浮江南山水聞孤笑塞北煙塵結四愁  
望斷北辰心萬里寒雲斜日楚天秋

同天同屈黃門徐進士宿吳編脩克温宅

斗酒論心夜不眠金閨豪俊玉堂仙老耽自許無驕氣

老子曰去子之驕氣蘇子應推有道緣東坡詩應似香山老居士世緣終淺道緣深梅

影橫窗和我瘦燈花照壁爲誰妍悠悠薄宦江湖去他  
日相逢說二天

重傷

亾兒痛定聞邊報老淚臨風倍暗流但得有人扶社稷  
何妨無子續箕裘眼前世界堪容足身後曾玄不斷頭



變故難窮觀欲了萬年常伴屈原遊

袁州守顧鄉尊衙觀戲九韻

滿堂銀燭絳紗籠  
杳眇歌聲繞碧空  
是處神仙能駕鶴  
誰家女婿忽乘龍  
三生悞入因緣裏  
千古均消戲劇中  
斟酌深情通渤海  
思量高義壓崆峒  
明吞太白盃間月  
清帶滕王閣上風  
浪跡也知隨沆榖  
豪吟何必感飛蓬  
疎狂媿我非坡老  
寬厚惟君類次公  
他日同歸美煙水  
倚天長釣五湖東

宿平江侯祠懷思道房九韻  
祠在天妃宮中

此身終老白雲鄉  
暫宿懷恩羽士房  
老檜籠煙呈古貌  
叢蕉滴雨奏清商  
三通法界無聲鼓  
一瓣平江不盡香  
物外罇壘忘醉醒  
園中鑪竈立圓方  
心間自覺紅塵遠  
門掩方知白晝長  
列子剛風常坐御  
霧均正氣孰分常  
岨山神去空遺寢  
蓬島仙歸有影堂  
還約吹笙王子晉  
碧天明月共徜徉

陪康叅戎飲南樓與計惟中聯句二首

畫樓孤聳鎮邊陲  
俯瞰江山勢絕巍  
一水帶彎清客

思計亂峯劍列振軍威  
有時乘月但長嘯  
桑此日吟風

賦夢歸柳子厚有  
千里羌夷能控馭  
計始知國語不堪

非桑



其二

漠漠狼煙淨四陸計一樓登處獨巍巍詩篇遠法杜工

部乘參戎豪氣平吞漢武威游宦入勞華髮侵計成功

今喜錦衣歸明公自是能知止桑何較塵寰是與非計

成稍與時不合竟辭歸尾句故云

記僮俗六首

動講襄公九世讎通情洗面只償牛以陪禮為洗面親鄰相助

歌迎鬼冬月歌舞迎鬼賽神殺牛豕數十親鄰各携牲口來助男女分行戲打球

赴敵護頭裝鳳翅占疑隨手擲雞頭幾迴緝事軍先覺

木刻傳村有別謀

其二

飲食行藏總異人衣襟刺綉作身文鼠毛火淨連皮炙

牛骨糟酣似酒醇小語相侵隨致怨清歡互荅自成親

謂唱歌為唱歡趁墟亦有能裝束數朶銀花綴網巾

其三

山深路遠不通鹽蕉葉燒灰把菜醃女髻風鬟純黑縮

方頭兩笠盡紅尖租田亦與人分民夷皆云分禾為分椰摘稔

惟將手當鎌間有十冬驅賦役欲詢無計召交譚椰人名排

年里長為十冬

其四



思文集 卷五  
村村竹木占山鄉屢殺人民似犬羊冬盡水乾兼送哨  
春來箐蜜喜裝糖能通官語惟村老慣結同年是熟商  
稱相交者為同年 夫子居夷心一片清燈間坐細思量

其五

除夜雙盤貯鷓鴣清晨曦集看如何

除夜置油炙鷓鴣二盤於地蚤看集

黃曦多則軍強黑曦多則糧強

斫牛伏地心先動

欲行劫以利刀斫牛跳躍則止

牽犬

登山樂事多毒藥煎成封弩箭純銅煉就作干戈殺人

每講陪頭物有數從來實不孚

如講十牛凡羊豕俱當牛

其六

姓同處處是華宗

稱同姓者為華宗

朝甫先加老喚公

初名朝某長名

甫某老 名公某 三界有霧焉助虐諸馮非祀肯相容只將劫奪  
為生理亦以均分示至公誰把峰巒齊一剷平疇萬里  
盡歸農

洛容道中

兵戈瘴癘與流亾物耗民消賊更強不向窮邊觀世界  
誰知吾郡實天堂關心村落無安土引興山林盡戰場  
爭似開尊湖柳曲畫船簫鼓水雲鄉

柳州賀正旦

五更朝服賀新年萬里君門在目前雜沓弓刀同鹵簿  
啁嘈鼓笛卽鈞天叨沾微祿皆殊寵偶脫危途祗曲全



報國服勤忘遠近不知半刺在窮邊

薄宦寄艸溪白崖兩弟

薄宦驅人不自由防身萬里一吳鉤  
荒煙慘淡孤臣泪窮海微茫戰卒愁  
冬月雨霜方免瘴炎天過雨便成秋  
平安間有清宵夢栩栩還同造物遊

漳江夜行

夜入江流正渺漫哦詩彈劍勝驚湍  
囊畱珠彩天河媚匣透星文月窟寒  
湖海間情高鳥得乾坤閱影腐儒看  
名藩何處堪投足白鹿紅鷺境界寬

遊青原山寺畱題

金銀幻出梵王宮秀嶺周圍一徑通  
偶爾洗心叅佛祖休呼後學類坡翁  
玄譚斷送雲歸壑世事閒看雪舞空

是日何日能清諸垢膩常來淨土濯高風

羅城縣卽事

小小鬻宮接縣衙蠻煙瘴霧日昏遮  
空城圍徑無半里破屋周遭有數家  
應役可堪人似鹿打離常報賊如麻  
四山茅艸連荆棘春盡何曾見落花

間樂吟三首

領得春風十載間官居更覺近林泉  
兒童盡解迎康節魑魅猶知喜謫仙  
蝶舞鸞歌隨酒盞雲情雨意護詩篇



旁人欲問經綸事笑指煙花似錦川

其二

雙足能行勝小車西昌城裏盡吾家鄰僧相約嘗新茗  
園叟頻邀看好花文變何須論虎豹書狂常恐化龍蛇  
晚來占斷長天景間倚西風送落霞

其三

坐嘯行歌混俗塵漁樵不道異鄉人何坊堪紀蘇公步  
建室須依孟氏鄰孤棹澄江搖落月清尊花武醉殘春  
年來勘破乾坤事認得炎涼意味真

挽聶齋陳先生

少年交游到鬢絲多君高節抗希夷白蘋江上迷鷗夢  
翠竹坡頭杳淑儀遺業尚存書院榻孤燈空掩寢堂帷  
幽藏只在虞山麓千古清風太史碑

卷十四終



思玄集卷之十五

六和題黃葉風

明海虞桑

悅民懌著

高更題黃葉風

泰和徐

威來鳳註

蘇林大木

後學

翁憲祥兆隆選

蘇長山雲流式

翁應祥兆吉校

文士登谷

姪孫外孝成道凝次甫

七言絕句

登乾坤空寄樓

我寄乾坤得幾時此樓寄我又須臾樓名却落西江上  
常與浮雲住太虛



思文集 卷五  
探梅悞期

梅花入夢已多時  
二月尋梅去較遲  
惟有春風解人意  
倒吹殘片綴空枝

十句曲道中值雨作詩謂讓山霧

文士聲名海岳知  
衡雲開道避昌黎  
我行勾曲蕭蕭雨  
應是山霧為洗泥

新村大水

萬頃波濤浸碧空  
數家遙住水光中  
柴門冷落無人到  
犬吠疎籬黃葉風

思文同門人劉惟悱遊玉華山

乞得浮生十載間  
可堪一月不看山  
此身是處皆真隱  
却怪松蘿有厚顏

贈錢漢雲秀才

心事無涯鬢未蒼  
肯隨塵土擲年光  
君門移近清燈裏  
書卷縱橫夜正長

登樓

人世功名不可期  
倚闌雙鬢拂秋颺  
細看空谷浮雲出  
飛度宮牆總不知

王巖

按此詩先生在京下第時作言功名難期而  
客樓闌干之倚鬢拂秋風未免有懷功名之  
意又細觀浮雲出于空谷岑寂之中飛度宮  
牆富貴之地若不之知者此可見雲之不戀



于富貴也然則已之懷想功名果能脫灑如是雲耶

### 王道二首

王道窮居亦試行一堂和氣靄諸生旋添新水盆池裏  
數尾遊魚自不驚

按此即仁民愛物之意水添以漸故魚不驚

欣欣白髮與黃童冬日陽和夏夜風獨有春光無管領

### 聞花自落鳥聲中

按此白髮黃童之所欣喜者冬日則日之溫夏夜則風之涼耳猶夫伯功之小易以悅人也若夫春光之不冷不暖鳥啼花落付之自然有孰管領之此則王道之大而非伯功之可及也

### 題鳥

秋滿長林樹有聲啞啞相傍訴私情吳王臺上斜陽裏  
霸業能消幾度鳴

### 題修竹美人圖

脩竹娟娟野水旁薄寒翠袖倚風長沉香亭畔春如海  
化作巫山一夜涼

按此美人宜貯金屋今在脩竹野水之旁翠袖倚風而寒可謂失時矣得時者如明皇之沉香亭畔其春如海何富貴也則貴妃之寵幸何如其後遭蜀之蕭索却基于此此又言

### 讀會試錄

得時者時或又失也巫山非言神女事以其在蜀故借以掩映耳

### 讀會試錄



思文集 卷五 二  
設席張筵客到時競將笙瑟鼓還吹好音颯颯能盈耳  
作樂應知是后夔

題嬰兒圖

玉質盈盈水畔遊荷花荷葉不勝愁波紋搖蕩清如許  
化作騰騰匹練浮

謝元暉詩澄江淨如練又漢書  
虞延幼時頭上常如懸一匹練

小遊仙詩二十首有序

予攝茶陵州印塵務雜杳日汨沒其間不覺化爲俗  
吏矣偷閒偶成遊仙詩二十首少遂天遊一餉之樂  
用以遣世慮而濯煩襟耳嗚呼歿生有命予豈真好

仙者哉不過如屈子之寄意遠遊者焉雖然不夙自  
閩風蓬島而來者能知是味否耶

扶桑殘月挂稍頭鶴背簫聲度羽流紫炁如雲光照地  
回仙曉過鳳麟洲

其二

間賭喬松一局棋偶然贏得綵霞歸製成五色朝元服  
謾下祥鸞入紫薇

其三

胸藏星宿是天文暗坐光騰五岳雲侵曉清都揮彩筆  
欲書削誥賜茅君



其四

日輪赫赫起東溟真火抽添養白庭湯谷蕭蕭萬竿竹  
裁書少昊借秋聲

其五

開天堯夫手上丸羲文與我本同圈飛書暗約吹簫伴  
同乞無何授一廛

其六

陰陽無始亦無終萬古都消役役中獨立鴻濛看造物  
不知凡骨化春風

其七

五色霞光當彩絨天孫攢織費神功瑤池點污蟠桃汁  
洗得銀河水半紅

其八

靜泓界上一枝紅香透鈞天十里風莫怪花無塵土氣  
根株生長九霞中

其九

鈞天紫炁結爲城足踏雲霞當地行又向森羅臺外轉  
下方聞得步虛聲

其十

雲牋一幅是青霄寫盡瞻宮玉兔毫兩尾白龍來潤筆



思玄集 卷五 四  
銀河水淺不容舸

其十一

第一修文是子淵  
卜商唯唯敢爭先  
誰傳玉詔宣長吉  
天上才華黜鬼仙

其十二

仙童驚報筆生花  
萬丈長虹纈彩霞  
獨進詞頭三百卷  
承恩常醉玉皇家

其十三

仙班濟濟侍宸官  
袖拂紅雲跨彩鸞  
笑約玉皇香案吏  
禹餘宮裏借花看

其十四

鈞天寂寞帝悲傷  
下界文章日月光  
欲召昌黎婦侍從  
特宣玉詔遣巫陽

其十五

彩霞公署玉樓前  
上界尊嚴紫府仙  
偏紀詩仙間過失  
長庠謫後又庭堅

其十六

玉女班中有妙光  
體生微妙自然香  
紫蘭細擷掃何處  
七寶闌干白玉房

其十七



雲浮碧落似輕塵散步閒過橋木津莫訝神光生兩鳥  
天行是處躡星辰

其十八

白雲爲被彩霞羶高枕常凌倒景眠却怪兩燈常下照  
不知日月麗中天

其十九

逢着希夷睡正濃語言不接意相通勦勦伏枕過三月  
却笑醒人在夢中

其二十

浮鵠山深盡水仙席紅似向火中眠春間置酒邀龍女

新截珊瑚造海船

夜坐

北林樹影亂扶疎淡月籠雲有若無百畝空庭人語靜  
笑渠閒坐鼓龍胡

感事

聞說單于夜寇關倚天長劍照青羶挑燈書盡幽懷賦  
星宿光芒入硯寒

題畫

浮雲出沒吞遙岑小亭日日集秋陰美人如玉不可見  
松子自落空山深



題太乙真人蓮葉圖

蓮葉為舟計已疎况遊汗漫歷江河乾坤游氣堪為馬  
此葉分明亦是多

山行

青山浮動莫嵐生雲擁肩輿樹底行天上有人間覩我  
只疑神畫現仙霧

謁買太傅祠

少年曾讀東坡論自謂先生負漢家今日飄零江海上  
較文南詔過長沙

寄泰和令陳推士

推蓬忽喜見君詩綠水清風颺釣絲又過黃茅枯竹嶺  
回頭情似別君時

澧州道中

木落千山正寥廓清香難覓楚人騷萎黃一色迷原野  
只恐幽蘭盡化茅

安化縣

章惇為相本奸凶經畧湖南亦有功安化却宜題木主  
蘋蘩聊採薦春風

風雲齋

宋有天下百二十有三載梅山之地猶列  
于嶮峒熙寧五年遣中書戶曹檢正章惇措  
置湖南始置為縣于此不可謂無  
功也特為為相之凶惡所掩耳



宿安化山舖三首

風透窗櫺月挂幃坐消殘燭淚沾衣嶺猿啼斷黃昏後  
正憶妻兒萬里歸

其二

紅葉鋪庭夜寂寥風吹燈影畫吟袍西山月落千山黑  
動地時聞猛虎號

其三

山色昏蒙月半沉盲飈忽起振疎林打窗陣陣驚秋夢  
落葉明朝數尺深

謁李忠烈廟二首進士尹穀配享

行縣歸來日欲晡挑燈歡笑接妻孥遙思夫子當年事  
貞烈應知絕代無

其二

冠帶諸兒禮度中尹公處歿從容胡元盡得無人境  
義士成羣入太空

謁伍子胥廟

歌舞臺中鹿暗遊忠言空為獨夫謀越兵未必能亡國  
飛壤吳城是錫鏤

題鴛鴦

性拙全為衆鳥嗤玲瓏巧舌許誰知小園昨夜春歸去



落盡殘紅怨子規

按此言春自歸去人以子規之聲催之也况鶉鴝之能言孰容之哉

題畫

長信宮遙緩步還闌干曲曲彩雲間  
恩花萬樹開如錦  
天上春光更不閒

題蘇武牧羊圖

胡塵如霧晝冥冥蚤膳惟餘海上冰  
化得羣羊俱屬漢  
歲寒常逐節旄行

題許由棄瓢圖

一瓢聒耳為心累堪笑許由心有瓢  
思玄先生能棄我

乾坤萬物同逍遙

送客

異鄉多病一吟身落日暮山別故人  
莫向溪邊折楊柳  
寒風吹盡正逢春

客懷

湖海生涯類轉蓬美人一別更難逢  
閒書心事憑歸雁  
細數愁懷得候蟲

閒居寫懷四首

水繞孤村有路通蒼苔滿徑絕行踪  
好風吹落堦前葉  
煮茗爐中火乍紅



其二

山林隨處好從容  
風月都歸意思中  
連日文房催制誥  
中書新授管城封

其三

小小茅堂枕竹溪  
獨吟時候鳥爭啼  
朝來忘換菖蒲水  
新得山童號拾遺

其四

華山頂上有高樓  
覽勝須登樓上頭  
開口蒼天聞笑語  
人間無物避雙眸

出塞曲

昨夜胡兵下肅州  
將軍譚笑覓封侯  
膚功換得白玉帶  
誰信腰圍萬觔肉

過湖

岸艸汀花帶薄寒  
水雲飛盡雨漫漫  
江湖風月憑誰管  
欲借磻溪舊釣竿

大旱

火輪常貯綠陰間  
龍卧空潭盡日間  
一日甘霖遍寰宇  
白雲無語自歸山

夢歸

滾滾花露滴中庭  
月挂林梢敲二更  
夢裏還家心不穩



覺來一枕子規聲  
題岩下花呈長沙守劉鳴遠

岩下花開不見天  
孤根絆石水相連  
漁郎繫纜柔條上  
惱煞香紅落釣船

沅浙江

十幅蒲帆挂順風  
貪看山色恨匆匆  
煎茶試汲江心水  
吳越平吞滿腹中

遊山二首

攀蘿遙入玉華宮  
小小樓臺紫翠中  
送盡市朝忙日月  
只消莫鼓與晨鐘

其二

山靈似怪帶塵容  
急雨相催下碧峰  
惟有鏡潭偏識我  
獨儲清水寫心胸

皇雩泉二首

霧泉七竅響琮琤  
分入陂塘似小成  
一派忙奔疑有志  
計程指日到滄溟

其二

山渠白石淨埃塵  
洗濯清泉幾百春  
畫出成湯心一片  
本無舊染日加新

寓僧寺催科有感九首



思玄集 卷五  
雨窗明滅佛前燈  
趺坐真如有髮僧  
想我未來并去後  
幾多緣業減還增

其二  
佛氏無生本寂寥  
山河豈直一牛毛  
不須苦辨非和是  
只離塵緣已自高

其三  
今古悠悠費剪裁  
詞章著述媿非才  
天教出倅長沙郡  
想爲湘江岳麓來

其四  
荒年師旅苦難支  
季路才長肯自欺  
我亦有能君信否

莫春行樂却優爲  
其二  
其五  
佐郡羞爲聚斂臣  
忍將榷楚向疲民  
他年定考催科拙  
歸去猶全半點仁

其六  
朱墨平拖到日曛  
眼前牒訴轉紛紛  
量才宜擢山林用  
千仞岡頭管白雲

其七  
四山間雲不作霖  
墮地化爲粟與金  
邊輸了足州無事  
真宰儻能同此心



其八

膝間瘡痂發微寒  
欹枕通宵轉側難  
盡說催科無善政  
殘人肢體保微官

其九

野樹多年免作薪  
托根古廟或通神  
人情只畏難知處  
官稅明拖實喪身

遊洞賓祠

遠從東海到蒼梧  
我道回仙是故吾  
手弄圓圈堪一笑  
蚊蠅睫上洞庭湖

夏春寓冰井寺遣興三首

郡南數里有蘇山坡  
老當年暫逞還此地  
山名宜屬我

湯亭曾寄一春閒

冰井上建湯泉亭四山如畫無名蒼梧守張侯克修謂予曰先生作此詩非王介甫爭教之意耶予應之曰介甫爭謝公之教予不爭長公之山特與造化比例耳聞者大笑

其二

百花开到野蔷薇  
嶺外春光未盡歸  
一陣斜風墻角起  
蜻蜓吹得着天飛

其三

鬱蒸如火雨來遲  
擾擾蚊蠅得意時  
亭上遊絲千百尺  
悠揚不會網蟲兒



呈郡守克修張公貳守有容謝君

蜂蝶尋春故故忙  
侵晨飛過幾家牆  
雲山深處松花落  
猿鶴滿身金粉香

觀總府移梅呈都憲鄧公廷瓚

梅花開落北山陲  
移到庭前二月時  
惟有幽人愛標格  
時時來此鑒空枝

感事

下士卑微與上公  
升沉入類自相同  
郭郎鮑老休相笑  
試問牽絲舊主翁

柳州大水

十日十夜雨不休  
龍城水欲女墻流  
東市撐船過西市  
不知撞破幾煙樓

還山

佐郡無能兩鬢絲  
伊臯心事沒成虧  
還山空著幽懷賦  
猶勝荊公罷相時

印溪春行默誦老杜江村尋花七絕句爲續其遺

響

印溪橋邊一樹花  
溪南大路抱村斜  
日日行人自來往  
昨宵殘片委泥沙

其二



思文集 卷五  
置酒花間真繡筵  
蛺蝶對舞勝嬋娟  
清都無土栽紅紫  
欲折高枝貢九天

其三

何事先生也愛花  
一春造化發精華  
風飄萬片隨流水  
似送東君歸到家

其四

杜陵何事被花惱  
只欲告訴發顛狂  
思玄居士空諸色  
報荅韶華一炷香

其五

四時爲首是春光  
萬紫千紅孰主張  
我意唐堯原不歎

仁心發育尚洋洋

其六

青袍白馬少年人  
騎馬衝花惱煞春  
數朶未殘輕落地  
遊絲網着不沾塵

其七

札札天機織女家  
銀河濯錦盡雲霞  
舊袍衣被青霄上  
眯目江村見野花

住鄔子驛

小岡前後浪滔天  
破驛臨流屋數間  
聽雨聽風三日夜  
愁隨彭蠡共無邊



過彭蠡湖

逆浪迷天沉沉槎望中蘆葦卽吾家近灘聽得篙聲響  
絕勝笙歌送落花

沉香崖

石壁高懸海外香滿盂江水貢穿蒼欲分一瓣參虞舜  
衝下應須紫鳳凰

觀湘灘分流寄竹窓民奇民秀諸堂兄弟

海陽一水化湘灘南北分流各有期同派可憐成隔絕  
三溟卽有會同時

謁劉賢良廟

制策通篇忤貴臣危言出口已忘身當時得意真螢爝  
星斗名懸下第人

玉融郊行二首

亂山蒼翠野人家小雨絲絲潤杏花誰似東君最公道  
遠分春色到天涯

其二

青山兩岸夾通津流水桃花玉洞春知是邊城難久住  
天將佳景故畱人

夜聞鶴

憶離清都幾十年舊乘仙驥散諸天今宵聲問遙相接



碧落青霄在枕邊  
書行府壁示衆

平分政教孰恩讎  
善是良民惡是囚  
形跡兩忘心似水  
道人觸物亦虛舟

予將去柳軍民士夫之家不忍別乃刊予像以畱  
以為異日可配享柳子厚廟子又重柳人知予

二人也前桃源令計君從善且以詩見贈為和  
其韻云

衆君以木刻吾真  
千百分明是化身  
他日羅池還祀我  
休言禍福解驚人

感興二首

霧露彌天體渾全  
亦隨四角下方園  
誰知造化工夫密  
分滴花枝粒粒圓

其二

江山不盡掌中盃  
混沌為家脊鑿坏  
莫道聰明能燭事  
勾萌無耳亦聞雷

晚過石伯平湖景物態狀萬千明  
招予詩也用成  
二首獻之河伯

冷花涼葉滿湖陂  
小纜牽舟不厭遲  
鷗鳥也知幽客到  
蓬窗飛過似催詩



其二

岸艸汀花帶薄寒  
水雲飛過雨漫漫  
江湖風月憑誰管  
欲借磻溪舊釣竿

過陳巨濟國賓宅畱題

醉眼昏昏醉墨斜  
題詩間過晉卿家  
朱簾十二無人捲  
風定園林自落花

懷遠道中

蓬蒿沒馬路通身  
在野真為艸莽臣  
莫道先生無武備  
前驅負弩盡夷人

按行懷遠峒民村  
出小男女歌舞相  
迎男謂之羅

漢女謂之女仔

牽裳跳躍舞婆娑  
漢吹笙女仔歌猶  
勝李陵聞虜樂  
身淪異域感傷多

復謁劉賢良廟

鴉蟻相忘子奪時  
却將枝土覆君屍

世傳黃謫柳州司戶因醉墜馬而歿

家人視之鴉銜枝蟻運土已覆其半矣

天公薄相真堪笑  
志士偏令異物

知

題畫

廬山西來五老峰  
青天削出金芙蓉  
九江秀色可攬結  
吾將此地巢雲松







題畫效王摩詰田園中  
豔江南葵開花照天地  
惜堪十日雨百艸爭蒼翳

題畫效王摩詰

疎林帶斜日空亭  
落秋陰雅宜林居子  
來此亭上吟

盆池三首

盆池清見底養得小神魚  
夜月明如水銜星遡太虛

其二

虛氣向盆池  
法法起微浪  
道眼看分明  
颶風翻海狀

其三

日出照扶桑  
弱流三萬里  
誰知盆池中  
一勺同名水

正言古別離擬孟東野二首

庭前緋桃樹開花  
白如雪疑是別君時  
情緒花前說

其二

傷心別君淚垂垂  
滴中庭一庭芭蕉葉  
天晴聞雨聲

湘江行舟雜咏四首

照影清流中鷗鷺各殊色  
熟世惟涓流不輕分黑白

其二

江汎常陰雨半空  
雲偽滋太陽九霄上  
皓皓原不知

其三

長波只奔海往來  
分順逾治世庸純心  
怨德兩無跡

其四



漁網曬平陸閃閃粘珠璣太陽畧垂照久鱗弄光輝

題嚴子陵祠

君為利名隱我為利名來羞見先生面黃昏過釣臺

題扇

青天半輪月星宿羅當胸大柄一入手四海生清風

五十五終

思玄集卷之十六

明海虞桑 悅民懌著

泰和徐 威來鳳註

翁憲祥兆隆選

後學 翁應祥兆吉校

姪孫 孝成道凝次

詩餘

暮春書懷

南鄉子 二首

無計可留春漸見晴暉映綠蘋莎徑晚烟凝竹塢愁人



思文集 卷十六  
超忽誰憐泡影身 歸思欲沾巾 世路悠悠白髮新 一  
任杜陵茅屋破 休與止恐傷多酒入唇

輕薄似飛花 倚檻臨流每自嗟 簇錦攢芳纔奪目 堪誇  
無那風狂雨又斜 懊恨付杯霞 眼見沾泥印水涯 惟有  
燕銜埽盡棟搏沙 鏡裏年光鬢已華

### 憶家園竹

### 鷓鴣天

幽籟含虛疎 影橫來時曾覩 籀龍生文犀 水犢駢頭卧  
白玉嬰兒著錦棚 威鳳集瑞蛟騰歲寒孤節久 峻嶒  
平安路遠無從報 曾否叅雲拂太清

### 村中晚憩

### 踏沙行

花墮殘紅柳搖新綠 山梁雨雨兩鶯相逐 曲欄杆外弄斜  
陽 牧童短笛 歸耕犢 塵鞅紛紜畏途局 促闌來變態  
驚心 日遺安何似 鹿門閒岡 巒蕭曠烟霞足

### 客中秋夜聽雨

### 鳳凰閣

打芭蕉陣陣黃昏 疎雨憧憧 燈影照羈旅 細思想古今  
成敗 有孰張主 再四問天公 不語 壁蟲啾唧 有甚情  
懷 欲訴不道 吾愁是真个 清漏滴鬢邊 霜催成數縷 更



思古集 卷十六  
惆悵邊塵萬里

刑科給事史君異仲元宵華誕其配衛國徐公女

後二日生作圖名曰同壽予填是詞其上

千秋歲

節界元宵又經過兩日後先華誕天命華燈分照仙姿  
達旦原侍玉皇香案又逢着吹簫舊伴青霄上鸞鳳和  
鳴絲雲飛度零亂 寒冰未泮正梅花南枝破玉露流  
香汗賀客如雲瓊闕葉官相半烏紗斜岸醉掩映寶釵  
金釧任他海變桑田春色年年不換

歸家

滿江紅

簾捲東風窗兒外又生芳艸連數日悵望佳期越添煩惱  
尋花問柳都擔閣杜鵑啼怨知多少見門前飛絮滾  
成團春如掃 江山遠音信杳形已變心難老凝望處  
又被遊絲相攪綽約脩眉誰善畫娟娟翠映巫山曉  
又拚一世不相逢心寬了

寓京師四首

蘇武慢

自嘆先生無心落鬼將謂人人同已闊步長趨放言高  
論也沒來由如此浮梗栖身虛舟度世个个相逢歡喜



思古集 卷之六  
有知心說破交情一半後頭怪你 我只曉得感額爲  
憂解顏爲笑那去探他肚裏石上尋魚波中求鹿一切  
置之不理今古悠悠是非袞袞青史徹頭徹尾醉摩挲  
雙眼橫空太華只如螻蟻

其二

湖海陳人塵容俗狀難入英雄羣隊鬢髮蕭疎腰圍清  
瘦不是悲秋顛顛雪點青衫風吹烏帽自有酸寒氣味  
被兒童笑這先生行動如癡如醉 休歎羨直入紗厨  
輕嘗玉食此是蚊蠅富貴龍卧九淵鳳翔千仞豈在牢  
籠之內買屋三間鑿池半畝好與虞山相對試長歌坐

石觀天拍手雲霞破碎

其三

日月如梭乾坤似斗四面利名韁鎖逝者羣羣生之逐  
逐誰識虛空爲我六欲排開七情勾斷到處天遊無阻  
倚扶桑間看星辰盡是瑤臺玄圃 君知不龍骨千金  
虎頭萬里多少青春文武張毅趨承宜僚呵護更有雪  
兒歌舞敗葉蕭蕭寒雲淡淡此是英雄結果休輕聽漏  
水銅壺滴盡人間今古

其四

至貴難消凡緣不斷一夕忽遭恩遣瓊闕長辭銀河直



思文集 卷六  
下不記雲濤深淺白日匆匆紅塵滾滾回首清都路遠  
嘆零金混入泥沙直待自家披選 常記得金母朝參  
玉皇錫宴年少親隨步輦子晉吹笙湘霧鼓瑟弄玉歌  
候一轉萬象圍身三光繞筆特進詞頭千卷問誰能煉  
取金丹我欲重歸蓬苑

登仙奕山作和東坡韻

念奴嬌

龍城老伴覽宇宙了無奇物兩屐秋雲仙奕表好是丹  
臺翠壁誰捲間峰盡收疊嶂化作紅爐雪眼空一望中  
州多少英傑 慨想今古滔滔長生秘蘊幾人能發劉

項當年爭氣處數點流螢明滅五岳難尋三山何在搔  
亂麒麟髮嘆何時得會羣仙同嚼明月

秋懷

念奴嬌

鬢毛蕭颯照青鏡霜華幾縷昨夜啼螿明告訴急景催  
人老矣宋玉間愁沈郎多病此際情何許古今如此靠  
天天沒張主 自嘆經世心腸他生未了消盡龍城雨  
夢寐 君親何處是誰念孤臣獨子一卷離騷數篇感  
興替我畱言語寬懷且過臨風默默延佇

秋夜感懷



青玉案

殘燈照壁鳴飢鼠清漏滴三更鄉夢覺來愁萬縷泠泠  
疎雨似共芭蕉語無邊震澤誰爲主舊占得白蘋秋  
半渚可堪萬里常羈旅拂衣歸去持竿獨釣鷗鷺堪容  
與

秋夜閒坐明月滿空毛骨灑然有神遊入極之思  
作是詞

雨中花

黃菜走堦聲敝敝商飈在窗前枯木正庭戶無人碧天  
如洗清漏穿脩竹欲把月華裁半幅倩織女紉成奇

服儻王母相招乘風飛去一醉瑤臺曲

告歸

六么令

宦途風雨收釣偏宜蚤平平長江如席暗浪知多少別  
有深嚴城府那裏尋頭腦千機萬巧與他鬪醉真个先  
生厭煩了何況升沉榮辱明朝難料但長笑賦歸休  
間處皆蓬島呼酒自歌郢曲趁餘生未老醉來眠倒遺  
天忘我遊徧箕山纔一覺

春曉憶長沙

虞美人



思齊集 卷六 五  
細雨梨花春夢破梁燕將愁訴薄陰小閣日曛曛寶篆  
輕煙一縷裊東風 星沙舊占遊歌處媚景難畱住王  
孫芳艸最多情萬里和煙隨我到邊城

新詞呈計邑侯有引

高曠之懷辱宰劇邑殊違素心間中錄近作小詞數  
首奉呈左右公餘或可命僮子歌以侑觴少清懷抱

宜云耳

過廢宅有感二首

如夢令

高閣平臨松島曲榭低環荷沼侍女捲珠簾倦把落花

間掃過了過了基地交還芳艸

其二

花院繁華可愛松徑清幽難賽金谷與平泉依舊還人  
鋤菜無奈無奈目送飛鴻天外

夜燕

如夢令

雲護深沉簾幕風度清冷絲竹行酒假嬋娟盃手轉成  
金玉秉燭秉燭月過花梢偏速

秋雨通宵有感

滿庭芳



薄莫窗陰連朝礎潤黃昏雨滴空庭蕭騷浙瀝間和壁  
蟲鳴猛與池荷戢罷打蕉葉細覺淒清巡簷聽懷人萬  
里點點是離情久忘前事了忽勾來心上歷歷分明  
黯殘燈欲滅鼓轉三更惟愜涼生枕簟和衣卧好夢難  
成魂消候正鄰雞三唱徹曉奏商聲

閒中寫興

滿江紅

誰信先生歸故里數間茅屋且隨緣度世和光混俗日  
照肚皮纔一覺起來喫碗酸菘粥有時社酒飲黃昏鄰  
家宿林間坐花成幄溪邊卧苔爲褥任形骸放浪無  
拘無束身外升沉休計較吁嗟人事多翻覆怕途窮日  
莫是騷人由他哭

咏雪

西江月

神女行雲布野皓翁雕雪飛空茅庵化作水晶宮荒嶺  
瑤臺高聳欺酒力疑暗減宜茶味覺加濃如成真玉  
墮江中堆作長庠仙塚

爲梧州士大夫送郡侯張克脩綵帳作

喜遷鶯

蒼梧雲捲望禹貢星分堯天日遠政事龔黃兵機頗牧



思玄集 卷三  
天把君侯推選人怨今朝行速又道當初來晚真个是  
晝樓有雉夜鳴無犬 遷轉接武舊日夔龍平地躋通  
顯整頓三綱調和萬象功業宜昭彤管吟罷風生臺閣  
朝退香淨禁苑人空上大容層嶺大雲絕巘

警世

風入松

名韉利鎖苦重重没个從容人生自古無根蒂大家是  
斷梗飛蓬天際悠悠艸綠陌頭滾滾塵紅 東風未久  
又西風歲月匆匆蒼梧雲影瀟湘雨暗磨盡多少英雄  
千古是非一夢淡煙落日秋空

跋思玄集後

思玄先生才擅雕龍傲同題鳳  
乙科偃蹇嗟下第之劉蕢萬里  
投棗悲行吟之屈子遇之不幸  
何如也然而任運自標直無與  
讓才情所詣要有足傳古有補



正平稽顙夜可與顏行今之徐  
文長盧次榎差堪方軌斯已奇  
矣惜也中郎有姪伯道無兒墓  
草茭涼醜冢中之鬼遺文漫  
漶誰抽架上之書非好事之無  
人亦世數之使然尔余兄奉常





